



Republic of the Philippines
Department of Education
REGION X - NORTHERN MINDANAO
DIVISION OF MALAYBALAY CITY

DM-2022-08-450
DEPED MALAYBALAY CITY DIVISION
RELEASED
DATE: 8/30 TIME: 3:04
BY: [Signature]

MEMORANDUM PANSANGAY
Blg. 450, s. 2022

PARA SA: Kawaksing Tagapamanihala ng Paaralan
Tsip ng CID at SGOD
Pamublikong Punongguro ng mga Elementari at Sekondari
Kaguruan ng Filipino
Sangay ng Lungsod Malaybalay

BUHAT KAY: *V* VICTORIA V. GAZO, PhD., CESO V
W Tagapamanihala ng mga Paaralan *W*

PETSA: Agosto 30, 2022

PAKSA: BUWAN NG WIKANG PAMBANSA 2022

1. Kalakip nito ay ang Memorandum Pangkagawaran Blg. 073, s.2022 hinggil sa pagdiriwang sa Buwan ng Wika na nagtatakda ng temang, Filipino at Mga Katutubong Wika: Kasangkapan sa Paglikha at Pagtuklas na naglalayon na ilaan aang Agosto bilang lunsaran ng mga pagpupunyagi sa kasaysayan ng bansa at mga wika.
2. Inaasahan na ang mga paaralan ay makapagsumite ng kanilang Ulat naratib sa pagdiriwang.
3. Para sa karagdagang detalye, maari kayong makipag- ugnayan kay Maria Concepcion S. Reyes sa 09368401920.



Address: Sayre Hi-way, Purok 6, Casisang, Malaybalay City
Telefax No.: 088-314-0094; Telephone No.: 088-813-1246
Email Address: malaybalay.city@deped.gov.ph





Republic of the Philippines
Department of Education

26 AUG 2022

MEMORANDUM PANGKAGAWARAN

Blg. **073**, s. 2022

BUWAN NG WIKANG PAMBANSA 2022

Sa mga: Direktor ng Kawanihan
Direktor ng mga Rehiyon
Tagapamanihala ng mga Paaralan
Pinunò ng mga Pampubliko at Pribadong Paaralan

1. Alinsunod sa itinakdang Proklamasyon Bilang (Blg.) 1041, s. 1997, na nagpapahayag ng taunang Buwan ng Wikang Pambansa tuwing 1-31 ng Agosto, ang pagdiriwang ay pangungunahan ng Komisyon sa Wikang Filipino (KWF).

2. Pára sa pagdiriwang ng Buwan ng Wikang Pambansa, ipinatutupad ang KWF Kapasiyahan ng Kalupunan Blg. 8-6 serye 2022 na nagtatakda ng temang, **Filipino at Mga Katutubong Wika: Kasangkapan sa Paglikha at Pagtuklas** na naglalayon na ilaan ang Agosto bilang lunsaran ng mga pagpupunyagi sa kasaysayan ng bansa at mga wika.

3. Layunin ng Buwan ng Wika 2022 ang sumusunod:

- Ganap na maipatupad ang Pampanguluhang Proklamasyon Blg. 1041;
- Maiangat ang kamalayan ng mga mámamayáng Pilipino ukol sa wika at kasaysayan nitó;
- Mahikayat ang iba't ibang ahensiyang pampámahalaán at pampribado na makiisá sa mga programang tulad nitó na nagpapataas ng kamalayang pangwika at sibiko;
- Maganyak ang mga mámamayáng Pilipino na pahalagahan ang mga wika ng Pilipinas sa pamamagitan ng aktibong pakikilahok sa mga gawain kaugnay ng Buwan ng Wikang Pambansa; at
- Maipakilala sa mga mámamayáng Pilipino ang KWF bilang ahensiya ng pámahalaán na nangangalaga sa mga wika ng Pilipinas sa pamamagitan ng mga programang pangwika nitó.

4. Hinati sa limang lingguhang tema ang isang buwang pagdiriwang:

Petsa	Tema
Unang Linggo 1-7 Agosto 2022	Ang mga Wikang Katutubo sa Paglinang ng Kulturang Pangkalikasan
Ika-2 Linggo 8-14 Agosto 2022	Wika ng Tahanan, Komunidad, at Paaralan: Kaugalian at Motibasyon sa Pagpapataas ng Kalidad ng Edukasyon
Ika-3 Linggo 15-21 Agosto 2022	Wikang Filipino: Daluyan ng Karunungan at Kakayahan

Ika-4 na Linggo 22-28 Agosto 2022	Multidisiplinaryo at Interdisiplinaryong Lapit sa Pagbubuo at Pagpapatibay ng Nasyonalismong Kultural
Ika-5 Linggo 29-31 Agosto 2022	Paunang Sipat sa Dokumentasyong Dihital sa Preserbasyon ng mga Pamanang Kultural

5. Samantala, pormal na inilulunsad ng Kagawaran ng Edukasyon sa pangunguna ng Kawanihan ng Linangan ng Pagkatuto-Sangay ng Pagtuturo at Pagkatuto ang programang **FILIPINO E-TAGUYOD: Pambansang Programa para sa Filipino sa Edukasyon**. Isa itong maka-Pilipino at maka-Filipinong programa na magpapalakas at magtataguyod sa Filipino sa Edukasyon. Tuon nito ang pagbuo, pagpapatupad, pagsubaybay at ebalwasyon ng mga proyekto at gawaing pagpapaunlad ng mga kaalaman at kasanayan sa Filipino sa paglinang pam-Filipino ngunit hindi limitado sa:

- a. pagtuturo at pagkatuto ng Filipino;
- b. pagtuturo at pagkatuto sa ibang asignatura gamit ang Filipino;
- c. pananaliksik;
- d. pagsasalin; at
- e. iba pang kaugnay sa paggamit ng Filipino sa larang ng edukasyon.

6. Tunguhin ng programang ito ang pagpapatatag sa 4Ks—kaakuhan, kamalayan, kalinangan, at kaunlarang pam-Filipino gamit ang Filipino. Sakop ng programang ito ang sumusunod na proyekto:

- a. **E-Reserts sa Filipino** na lilinang sa kasanayan sa pananaliksik ng mga guro at mag-aaral;
- b. **Filipino E-Linang** na tutugon sa paglinang ng mga kasanayan sa paggamit ng Filipino sa edukasyon gaya ng ngunit hindi limitado sa korespondensiya, kagamitang panturo at pagkatuto, pagtuturo ng ibang asignatura gamit ang Filipino;
- c. **Filipino E-Turo** na tutugon sa pagpapaunlad sa kasanayan sa pagtuturo ng Filipino tuon ngunit hindi limitado sa kaalamang pangnilalaman, mga estratehiyang pampedagohiya, pagtataya, kagamitan, kapaligirang pampagkatuto, isyung pangmag-aaral at iba pang kaugnay;
- d. **E-Salin Sa Filipino** na tutugon sa paglinang ng kasanayan sa pagsasalin sa Filipino ng mga guro at mag-aaral; at
- e. **Filipino E-Global** na tutugon sa makaglobal na pagtataguyod sa Filipino sa edukasyon gaya ng ngunit hindi limitado sa paglinang ng kasanayang panteknolohiya ng mga guro sa Filipino, eksposyur sa mga makabago at napapanahong pandaigdig na usaping pangwika sa edukasyon.

7. Iminumungkahi ang online at malayang paglahok ng mga guro at mag-aaral sa mga gawaing nakasaad sa Kalakip (Antas at mga Gawain). Isaalang-alang na ito ay nasa panahon pa ng bakasyon at mga gawain sa pagsisimula ng taong panuruan.

8. Para sa iba pang detalye at impormasyon, maaaring makipag-ugnayan sa **Sangay ng Edukasyon at Networking** sa mobile phone blg. 0928-8441349 o komisyonsawika@gmail.com para sa mga katanungan kaugnay sa mga Gawain sa Buwan ng Wika at/o sa **Kagawaran ng Edukasyon-Kawanihan ng Linangan sa Pagkatuto** sa telepono blg. (02) 8636-6540; (02) 8633-6549 o mag-email sa bld.od@deped.gov.ph para naman sa mga katanungan hinggil sa programang Filipino E-Taguyod.

9. Hinihiling ang maagap at malawakang pagpapalaganap ng Memorandum na ito.

Alinsunod sa awtoridad na iginawad ng Kalihim:


EPIMACO V. DENING III
Pangalawang Kalihim at Puno ng Estado Mayor

Kalakip:

Gaya ng sinasaad



Sanggunian:

Memorandum Pangkagawaran Blg. 046, s. 2021

Ilalagay sa Palagiang Taluntunan sa ilalim
ng mga sumusunod na paksa:

BUREAUS AND OFFICES
CELEBRATIONS AND FESTIVALS
CURRICULUM
LANGUAGE
LEARNING AREA, FILIPINO
SCHOOLS